

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

13.05.2019թ

ք. Արմավյան

Հարկադիր կատարումն ապահովող ծառայության Կոտայքի մարզային բաժնի Արմավյանի տարածաշրջանի բաժանմունքի ավագ հարկադիր կատարող, արդարադատության մայրո՝ Ս.Խաչատրյանն ուսումնասիրելով 08.05.2019թ. վերսկսված թիվ 01735398 կատարողական վարույթի նյութերը.

Պ Ա Ր Զ Ե Ց Ի

ՀՀ Արարատի և Վայոց Ձորի մարզերի ընդհանուր իրավասության դատարանի կողմից 11.03.2019թ. տրված թիվ ԱՎԴ/3689/02/15 կատարողական թերթի համաձայն պետք է՝ Մայա և Էդիտա Էդգարի Մարգարյանների օրինական ներկայացուցիչ և հայցվոր Մերի Սոսիկի Բաբախանյանի հայցը՝ կերակրողի մահվան հետևանքով վնաս կրած անձանց վնասը հատուցելու պահանջի մասին բավարարել: «Սատուրն Միկկա» ԲԲԸ-ից հօգուտ հայցվորներ Մայա և Էդիտա Էդգարի Մարգարյանների, Մերի Սոսիկի Բաբախանյանի՝ որպես կերակրող Էդգար Սամվելի Մարգարյանի մահվան հետևանքով վնաս կրած անձանց վնասի հատուցում բռնագանձել՝ 5.130.000 ՀՀ դրամ գումար՝ որպես կերակրողի մահվանը հաջորդող երեք տարվա՝ 2013թ. մայիս ամսից ներառյալ 2016թ. ապրիլ ամսին ընկած ժամանակահատվածի համար տուժողներ Մայա Մարգարյանին, Էդիտա Մարգարյանին և Մերի Բաբախանյանին վնասի հատուցում: 2016թ. մայիս ամսից մինչև 2027թ. մայիս ամսին ընկած ժամանակահատվածի համար ամսական 142.500 ՀՀ դրամ՝ որպես տուժողներ Մայա Մարգարյանին, Էդիտա Մարգարյանին և Մերի Բաբախանյանին վնասի հատուցում: 2027թ. մայիս ամսից մինչև Մայա և Էդիտա Մարգարյանների 18 տարեկան դառնալը կամ նրանց ցերեկային ուսուցման ձևով ուսումնական հաստատություններում ուսման ավարտը՝ ամսական 95.000 ՀՀ դրամ՝ որպես տուժողներ Մայա Մարգարյանին և Էդիտա Մարգարյանին վնասի հատուցում:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

<Սատուրն-Միկկա> ՓԲ ընկերությանը սեփականության իրավունքով պատկանող /Կոտայքի մարզ, քաղաք Արմավյան, Էդ.Պետրոսյան փողոց թիվ 1/27/5 հասցեում գտնվող անշարժ գույք/ ներքոհիշյալ գույքը

h/h	լուծի անվանումը նկարագիրը	գնահատման գինը	մեկնարկային գինը	գույքի քանակը
1.	Կոտայքի մարզ, քաղաք Արմավյան, Էդ.Պետրոսյան փողոց թիվ 1/27/5 հասցեում գտնվող անշարժ գույք	64.800.000 դրամ	48.600.000 դրամ	1 հատ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարումն ապահովող ծառայության աճուրդի էլեկտրոնային կայքի՝ harkadir.ajurd.am միջոցով:

Հարկադիր էլեկտրոնային աճուրդի սկիզբը՝ —01— —07— 2019թ.

Որոշման պատճենը ուղարկել կողմերին.

Որոշումը կարող է բողոքարկվել ՀՀ Վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

Ավագ հարկադիր կատարող
Արդարադատության մայրը

Ս.Խաչատրյան
ազգանուն



ստորագրություն